


## BAKURUBASANNI

(nimoro 12 songo)

Mali kono = Dōrōme 300

Afriki kono = Dōrōme 600

Jamana wəre = Dōrōme 1000



Desanburukalo san 2000

Kunnafoniseben bota kalo o kalo. BP: 24 Telefoni : 21-21-04. Bozola Bamako-Mali. San 28nan boko 347nan A songo : dōrōme 15


# San 2001 sorow n'a musakaw dantigera geleya kono

Jumadon, desanburukalo tile 15, san 2000, fasa ka bulonba y'a ka yamaruya di san 2001 sorow n'a musakaw dantigeli sariya kan. Depite 108 y'u bolow wuli k'u jenna n'a ye; depite 5 ma wote (olu ye Parenna ton ka mogow ye). Nafolokow minisiri Bakari Kone tun be ka wari hake jateminnen min nefo, o tun be bee sefawari miliyari 510 ani miliyon 542 ma; sorojigiw dalen tun don san 2000 ta hake min kan, o tun be ben sefawari miliyari 500 ani miliyon 362 ma; o san 2000 kelen in na, segin kera nafolo jateminnen kan k'a ben sefawari miliyari 481 ani miliyon 525 ma. N'iy'u da nɔgon kɔro, kemesarada la 2,03 (2,03%) de faral'a kan. Segin kera hake min kan k'o boloda, n'i y'a n'o bila nɔgon kɔro, a be se ka fo ko kemesarada la, 6,02 (6,01%) farala nafolo hake bolodataw kan.

N'i ye faso ka wari ladonyɔrow jateminne a kelen-kelen bee ka nafolo ladontaw ka kan ka ben sefawari miliyari 229 ni miliyon 604 ma. San 2000 taw tun benna sefawari miliyari 268 ni miliyon 301 ma. O b'a jira ko sefawari miliyari 31 ni miliyon 303 de farala san 2001 taw kan. Kemesarada la, o farankan be ben 11,66 ma.

N'i mogɔ min ye san 2001 sorow n'a musakaw dantigeli sariya jateminne kosebe, ib'a ye kosinsinnikera nafolo ninini de kan kosebe, walasa wari donta ka caya; o kofe feewir sirila, walasa musakaw kologirin ka don hadamadenya sabatili daw fe, cogoyawla, faantanya keleli be se ka sabati cogoya minnu na.

Kemesarada la 2,03 farali san 2001 sorow n'muskaw kan, o sababu bora fen minnu na, olu file : Kemesarada la 11,65 farala jamana kuuru bee lajelen



Nafolokow minisiri Bakari Kone

kerenkerennen min dira kiiritigelaw ma. O kofe baarakela kurawka kanka ta san 2001 kɔnɔna na, ka bila kene ya ni kalan bolow kan, ani forobabaarda werew. Min ye minenkota fan ye, kemesarada la,

ka sorow ni musakaw kan; kemesarada la, 25,84 farala kafow ka sorow n'ka musakaw kan; o kofe, sorow ni musakaw minnu be kerefe, kemesarada la 4,73 farala olu kan. Min ye soroko ni musakako kerenkerennen ye, n'o be wari baarata ladon jamana kono, o seginn'a ko, kemesarada la ni 1,15 ye. O wari hake tun ye sefawari miliyari 210 ni 332 miliyonye; o jiginna ka na sefawari miliyari 207 ni miliyon 905 la. San 2002 ntolatanba warikow ni forobabaardabaw joli musakaw, ani kalan ni kene ya musakakow bee lajelen dulonnen don soroko ni musakako kerenkerennen in na. Min ye san 2001 musakaw ye baarakela kunda, olu be se sefawari miliyari 78 ni miliyon 24 ma. Segin kera san 2000 ta hake min kan, o tun ye sefawari miliyari 73 ye. O b'a jira ko kemesarada la, 7,03 faral'o kan. O hake yelenna ka da kun minnu kan, olu file: seben kuraw bora, minnu y'a wajibya do ka fara forobabaarakelaw bee lajelen ka saraw kan, ani kalan bolofaraw baarakelaw ka saraw, ani nafolo

4,72 faral'o kan, k'o musakaw se sefawari miliyari 31 ni miliyon 04 ma. Min ye taamakow ye, do faral'o kan ni 2,96 ye, k'o musakaw ben sefawari miliyari 17 ni miliyon 019 ma. O musakaw yelenni sababu bora taji songo geleyali la, min kera sababu ye ka do fara taransiporiw kan jamana kono, an'a kɔkan; o siratige kelen na caman farala lakolidenw laseli musakaw kan u bɔyɔrow la, walambila waati fe.

Segin kera san 2000 nafolo bolodalen min kan, kunnafonikow, jikow ani yeelen kow musakaw tun y'o la sefawari miliyari 12 ni miliyon 34 ye; san 2001 taw musakaw sera sefawari miliyari 13 ni miliyon 141 ma. O kera, walasa musaka minnu kerenkerennen don ninnu kama, olu ni ji ni yeelen baarada, ani negejuruso ka wari kofolenw hake be se ka nɔgon ta cogo min na. O kofe, segin kera san 2000 nafolo bolodalen min kan, musaka to minnu tun b'o nafolo la, n'olu tun be ben sefawari miliyari 46 ni miliyon 543 ma o kera sababu ye ka san 2001 musakaw lase sefawari miliyari 60 ni

## Ne fols to

miliyon 025 ma. O b'a jira ko kemesarada la, o musakaw yelenna ni 28,57 ye. O yelenni sababu bora musaka kerenkerennen do labennina, min be se sefawari miliyari 7 ni miliyon 8 ma, n'o ka kan ka ke ka wusuru (TVA) juruw sara, ka ka lafili musakakow nenabø, min ka kan ka ben sefawari miliyari 3 ma. San 2000 nafolo bolodalen min be laben kokura, o la ciyakédaw labenni musakaw tun be ben sefawari miliyari 57 ni miliyon 431 ma; san 2001 taw musakw sera sefawari miliyari 63 ni miliyon 431 ma. Kemesarada la, do faral'o kan ni 10,43 ye.

Musaka min ka kan ka don jurukow dafé san 2001 kono, o beben sefawari 75 ni miliyon 542 ma; san 2000 nafoloko labennen ta tun ye sefawari miliyari 66 ye. Kemesarada la, 15,06 faral'o kan.

Min ye jamana ka ciyakédabaw ye, yelema si ma don o wariko taabolow la.

Nin beelajelen na, musakaw bolodara k'uben sefawari miliyari 556 ni miliyon 569 ma. San 2000 nafoloko labennen kura ta tun benna sefawari miliyari 522 ni miliyon 727 ma. Kemesarada la, do farala musakaw kanni 6,4 ye. O yelenni sababu bora soroko ni musakakok'erenkerennen yelennina; soroko kerenkerennen in nafolo min be bok'akan, o beben sefawari miliyari 52 ni miliyon 842 ma; san 2000 nafoloko labennen kura ta tun ye sefawari miliyari 43 ni miliyon 254 ye. Kemesarada la, o yelenna ni 19,85. O yelenni sababu bora san 2002 natolatanba musakakow la, goferenaman ye fangaba di min ma, aniforobaba aradaw joli musakaw, ka fara togodaw yiriwali musakaw kan. Bee ka kan k'a don ko san 2001 sorokow n'a musakakow dantigeli ni wale do fana benna min kera sababu ye ka musakakow nogoya an ka jamana bolo doonin. O ye mun wale ye? Dijé seleke naani waribonbaw «Banki Mmjali» ni «FMI» y'a jira ko juru ka yoba doonin sentan jamanaw ye, juru kelen be ka minnu kan fa

kosebe. Mali b'o jamanaw la.

O kama, san 2001 nafolo sorotaw jateminen a k'u ben sefawari miliyari 510 ni miliyon 542 ma; musaka bolodalen be ben sefawari miliyari 556 ni miliyon 569 ma.

San 2001 nafolo deseta benna sefawari miliyari 46 ni miliyon 027 ma; san 2000 nafoloko labennen nafolo deseta tun ye sefawari miliyari 41 ni miliyon 212 ye. Kemesarada la, do farala nafolo deseta kan ni 4,815 ye. Nafolo deseta in nobe fa ni demew ye, jamana be minnu soroka bok'akan, ani jamana yere ka nafolo kerenkerennen minnu maralen don nin n'a nogonna kojew kama.

San 2001 sorokow n'a musakakow dantigeli y'a soroko sorota lahalayaw ka fisla doonin dije seleke naani na, k'a ta san 1999 la, fo ka n'a bila san 2000 kalo naani folow la. Nka, o ma ke wale ye min ye farafinjanamanaw ka soroko sankorota, sabu san 2000 kono, kemesarada la, min farala farafinna soroko kan, a te teme 3 kan.

O kofe, dije seleke naani sorokow sankorotali ma fosi fara sentanjanamanaw ka feerefénw songow kan; bawo feerefénw cayara suguw la kojugu, wa taji yere songo yelenni nana ko to bee tije farafina tilebinyanfan jamanaw bolo, minnu be «UEMOA» la, n'o ye sorojekulu ye farafinna tilebinyanfa na. Olu bee lajelen be taji san. Kemesarada la, taji songo yelenna ni 67 ye.

Dijé seleke naani warikow taabolo fana la, nansara jamanaw ka war «ERO» fanga nagasira. N'i'y'a warini dolariwari da nogon koro, kemesarada la, min bora Ero fanga la, san 1999 ni 2000 furance la, o be se 20 ma. O be datigi anw ka jamanaw la sabu sefawari ka fanga sirilen don Ero de la. Farafinna tilebinyanfan warikojekulu «UEMOA» jamanaw ka soroko sumayara kabini san 1999 fo ka n'a bila san 2000 la. Kemesarada la, mogow hakilitun b'a la kosan 2000 kono na, sorow bena yelen ni 5 nogonna ye; a kera 3 ye kemesarada la. San 2000 kalo woorofolow la, wariko jaasira ni 1,5 ye, kemesarada la.

San 1999, dije seleke naani

sannifeere kene kan, dadigi kera Mali ka feerefénw na, wa gelyaba yere kooriko ni yeelenko yere la jamana kono. N'an ye san 1998 sannifeereko jatemila dije seleke naani na, a be se ka fo ko san 1999, kemesarada la, dadigi kera jamana feerefénw na ni 11 ye; sanko koori yere; o ta kera 19 ye, kemesarada la. Tajimafen minnu be san jamana fe, kemesarada la, do faral'olu songokanni 27 ye. Nin walew kera sababu ye ka Mali soroko bin kosebe. A jirala ko jamana konoa sorow bee lajelen cayara ni 5,6 ye, kemesarada la, ka soroko nemogow jigi dalen tun don 6,3 kan, kemesarada la. O la, Mali yere ka sokonona sorow bee lajelen kasabiye sefawari miliyari 1 ni miliyon 658 ani baa 1 ye. San 1998 ta tun ye sefawari miliyari 1.522,5 ye.

San 2000 soroko lagosira k'a sababu ke koori sorota dogoyali ye, ka n'a bila toni 232.000 la. San 1999 ta tun ye toni 459.792 ye; san 1998 ta tuntaar'a jo fo toni 518.364 la. Nka min ye baloko ta fan ye, jigi ma kari yen kosebe. Min ka kan ka yelen o kan kemesarada la, o te teme 3 kan. Gelyaw n'uta bee, sanko kooriko fan na, warikomusakaw nenabora u nenabocogo numan na. Wari hake min bora kukan ka don kesu kono, o benna sefawari miliyari 143 ma; jigi dalen tun be sefawari miliyari 136 ni miliyon 3 kan; sefawari miliyari 6 ni miliyon 7 yelenn'akan. San 2000 kalo 3 filanan na, gelya doonin donna wariw boli la kesu kono.

Jatemine y'a jira ko san 2001 kono, kemesarada la, do ka kan ka fara dije seleke naani sorow kan ni 3,9 ye. «UEMOA» jamanaw ka soroko jidili sirilen don u ka feerefénw songo yelenni na, k'a sababu ke kooriko gelya ye. Kemesarada la, Mali ka sorow be jigin ni 50 ye. O b'a jira ko kemesarada la, san 2001 nata in na, jamana ka sokonona sorow cayali te surunya 5 la.

Nin beelajelen b'a sababti kogelyaba be soroko nafolo soroli la ka bila jamana ka kesuba kono, san 2001 nata in na.

A Lamu  
Badama Dukure.

## «UTM» kera sabujuma ye

An ka jamana ye sariyaw ta walasa hadamadenw bë se ka taa ñe cogo minnu na, k'o koñew ñejini.

An sera jekulu dōma min bë deme ke malidenw bëe lajelen ye; i kera baara o baara kebaga ye. Uka deme be boli furakeli kan. Jekulu in tøgo ye ko «UTM»; a ñemogo yere ben'o ñefo an ye :

Ne tøgo ye Umaru Watara. Ne ye «UTM» ñemogo ye. An ka jekulu in sigira cogo di ? A ñesinnen don mun ma ?

A ka ca ni san tan ye bi, dögötörösow labenna jamana ñefé, k'olu sigi togodaw la, k'a ñini mögöw fe, u ka jekulu laben min ni faso dögötörös bë jë ka kuma, n'olu be serikiliw la, k'u ka furakeli koñew nogoya. Dögötörös minnu labenna, a ka ca ni dögötörös keme ni biwoɔrɔ ye. O dögötörösow jolen, jatemine nana ke k'a ye ko mögo minnu be taa furakeli la, olu ka dögö kosebe. Kemesarada la, mögo minnu be taa dögötörös ninnu na, olu te bisaba bo.

Bëe b'a dòn ko jamana in kono, seneke law, baganmara law ani monekela de ka ca; bëe b'a dòn fana ko samiyé ye siñé kelen ye san kono. Ni samiyé temena, soro be ke.

O de kama, faso ye hakilijagabo ke, k'a jira ko dogötörös dilanni dörön t'a ñe ye. A jirala ko mögöw ka kan ka jekulu dōsigi sen kan, min b'a ñesin banabaatöfurakeli ma. Wari be tila uni ñogonc. Ni bëe ye döönin-döönin bo, o wari be mara dugu yere la yen. Ala k'an kisi, ni min banana, o be fura ke ka soro geléya ma don a la. An ka jekulu in ñesinnen don o baaraw de ma.

Mögo kelen te don anw ka jekulu la; tonw de be don a la. Nka bëe be se ka jekulu sigi i ka yoro la, bëe be se ka don o la; o ye sarati fölo ye; i kera kenebaato ye o, i kera banabaato ye o, nka n'i be don, jekulu o jekulu sariya de b'a la, i be jekulu sariyaw bato.

A sariya fölo ye jumén ye ? O ye tonwari ye. N'i y'o sara, o y'i kelen ye tonden ye, i da be don ton koñew bëe la, tonseben be d'i ma.

Mögöw de b'u ka ñemogo sugandi, diyagoyali t'a la. Ni bëe benna min kan, o de be ke ñemogo ye. Wa san o san, ñogonlajere be ke, ka san baara kelenw bëe ñefo bëe lajelen ye.

An be don min na i ko bi, ni min b'a fe ka don jekulu in na, i be wuli ka s'an yerew ma Bamako yan, walima i ka batakic'anma, n'oye kunnafoniseben ye. N'an y'i ka sëben soro walima i ka ciden, an be mögo wuli ka taa, f'aw ka dugu la. O tuma an be sigi ka kuma; anw joyoro ye min ye, an b'o ñefo; aw yere joyoro ye min ye, o be ñefo. Anw joyoro ye min ye, anw b'o ke sëben ye k'o lase faamaw ma; faamaw be soro k'u bolonbila sëbenw na k'aw ka ko sabati.

An ka baarada sigilen don Bamako yan. An ka biro kelen be Kayi. N'Ala sonna, sanni san ka yeléma, an ka biro do be dayele Sikaso. N'Ala m'an dese, min b'an hakili la, o ye ka biro dayele Mali duguba kelen-kelen bëe kono. Nka ni mögo min sera «Akisiyon sosiyali» fana mä, olu be se ka kunnafoniw las'an ma.

Min yeton musakakoye, warite d'anw ma ! Wari be t'u bolo. Obaaraw be ke cogo min na, anw b'u deg'o la. Waati ni waati, an ben'u laje, u y'a ke cogo min na.

Ni tön in dilanna yoro o yoro la dögötörös minnu b'o kerefelaw la, an n'olu be kuma; an b'an bolonbila benkanseben na. O kofe fana dögötörösoba döw be Bamako yan, benkansebenb'anniminnuc. «P.G.» b'o la. Bëe b'a dòn ko «P.G.» ka bon ni Mali dögötörösoba bëe ye. Dögötörösomisennin tan ñogonna be Bamako yan, an ni minnu bolo be ñogon bolo. Benkan b'an ni kenyereyew fana ce n'olu ye «kabinew» ni «kilinikiw» ye. Anten'an da don o tøgöw la. Ni mögo o mögo

donna ton in na, sëben be dilan ka d'i ma, k'a f'i ye, i be se ka taa yoro minnu na. O kofe, an ni tubabuw be baara la ñogon fe. Olu de y'anw dege baara in na. Tubabuw b'an deme ni musakaw fana ye, in'a f'on'an be taa togodaw la, ka dugu segeré, a mana ke cogo o cogo musakanin b'o la; tubabuw b'an dem'o sira kan.

Nka min ye furakeli yere ye, anw yere te son deme ka ñin'o la, bawo ni deme ñin'in'ola, okoroye ko ni deme ma soro don min na, a ko be dabila. Fen be ka laben nin cogo la, walasa an modenw n'an tulomasamaw bëe ka do sòr'a la. Jamana kelen don ka sariyaw ta ton ninnu na. Olu b'a jira ton musakako ka kan ka ke cogo min na. An ka jamana kono bi, kesuw be dugumisennin na, n'u be wele ko «mitiyalite» ka kesuw», ani jurutayorow. Ni wari bilala kesuw la, mögo si kelen te se k'a labo, fo mögo filia. Peresidan, n'o ye ton ñemogo fölo ye, ani warimarala. O temenen kofe, anw fana be segesegeliklaw bila ka taa waati ni waati. Ni san yelemaria, wajibi don ton ñemogow ma, ka tonden bëe wele, ka jate boka wari donda n'a bôdaw bëe sarada. O kofe, san o san, wajibi don ton ma ka sëben ci faso ka baaradaw ma i n'a fo «AKISIYON SOSIYALI», ka f'u ye anw ka «mitiyeli», a baarala ñin cogo la. Nin de kera soro ye; nin de kera musaka ye. Nin bëe ye segesegeliw ye minnu be ke.

«Mitiyeli» be se ka baara caman ke. N'i y'a ye a daminen furakeli la, a kôlosira ko furakeli ye kunkoba de y'an ka jamana kono. Furakeli temenén kô, fen o fen, n'a be se ka hadamadenya sabati, «mitiyeli» be se ka s'o ma.

«UTM» be Badalabugu yan; an be pónkura kerefe. Ni mögo min sera yen, an be ka negewalanw laben minnu be yoro jira mögöw la, Kuma laban min be ne fe, o be ñesin an balimaw bëe lajelen ma. Sigida la, ni keneya sabatira, o ye fen bëe sabatilen ye. N b'o wele de lase bëe ma !

## Mali bëna koori numan parata soscni

Togodaw yiriwali minisiri Amédi Eli Madani Jalo ni depitew tun be nögöñ na arabadon, desanburukalo tile 13, san 2000. Minisiri tun ka kan ka «Parena» ka depite dō ka nininkaliw jaabi, n'o ye Mangara Dunbiya ye. A nininkaliw tun be boli wale caman kan, i n'a f'o koɔriko bilama lahalaya, «semudete» yere lahalaya; nin lahalaya fila be seka min lase jamana sɔrɔko ma, ani koɔrisenelaw ni semudete baarakelaw ka ninifew be dakun min na nin waati la.

Amédi Eli Madani Jalo y'a jira ko «semudete» bilama ka lahalayaw ka



**Minisiri Amédi Eli Madani Jalo**

gelen kosebe, w'o koje be baasiba lase jamana sɔrɔkow ma; nka, jigiw ma tijne; bawo sini be Mali ye koɔriko la.

Minisiriy'a jira kon'Ala mabaasi wëre ke, an be k'an jijali min ke, n'an tor'o siraw kan, san wëre Mali be wuli k'a jo ni koɔri toni 533.000 ye, k'a joyoro kɔro mine sahelijamanaw bëe cëma. O, jijali be tali ke 20 boli la baarakelaw sara la, kemesarada la, ani demeli sara kerkenkerennen binni, min tun jolen don senekelaw ye, n'a tun be dadigi dòw la; ani ka koɔri san forow kono ka koɔri bëe lajelen san suguya folo da la n'o ye «peremiye suwa» ye; o kofe jijali in be boli bënan 11 boli kan sira fe, bënan minnu temena goferenaman ni «semudete» ani koɔrisenelaw ni nogon ce. Walasa ka koɔrikola halaya sabati, goferenaman ye sefawari miliyon 270 b'a kun; o kofe a jenna semudete ka lenpon'aka

wusuru sarataw ko, minnu be se fo sefawari miliyari 6 ma.

San 1997 - 1998, koɔri sɔrɔta taar'a jo fɔtoni 520.000 na; nka ninan, a binna fɔka n'a bila toni 233.000 la. Salont a kera toni 459.000 ye. A be se ka fɔko kemesarada la koɔri binna ni 50 ye. O binni sababu bɔra fɔn caman na, i n'a fɔ koɔri songo binni san 1997-98 ani «semudete» ka saratiw dafabaliya ka fara senekelaw murutili kan ka koɔri sene ninan.

Kɔrfow senfe Amédi Eli Madani Jalo da sera semudete ka geleyaw ma. A y'a jira ko san 1999, ciyakeda ka warideseta taar'a jo fɔ sefawari miliyari 28 ni

miliyon 400 na. San 1999 - 2000 nafolo tijnenen bennna sefawari miliyari 8 ma. Ko san 2000 nowanburukalo tile 14 don, «semudete» tun ka kan ka sefawari miliyari 30 juru sara Faransi ka waribonw ye. an'a ciyakedaw «CFDT» n'o ye Faransi ka koɔrikow jenabɔ ciyakeda

ye; ka fara miliyari 30 in kan, minnu be minenw lase semudete ma, olu ka juruw ni juru misennin tow be se sefawari miliyari 10 ma.

An be don minna i kobi, feerew be ka siri walasa ka «semudete» bo geleyawla, i n'a fɔkoɔrisenelaw hakili sigili, ani ciyakeda yere wari labaaracogo numan jenjinini.

Jaabiw senfe, minisiri y'a jira k'ale feko te koɔriko bëe lajelen bilali ye kenyereyew ka bolo kan, sabu o min kera Benen jamana kan, o ni sababa ma ben. A ko nka fan dòw be se ka lateme kenyereyew na, i n'a fɔ taransipɔrikown'u nogonnawu, fanga be seminnukɔrona. Amédi Eli Madani Jalo da sera dugutonw «AW» labencogo numan ma; nk'a ma son k'a da don fanga ka maa welelenw ka koew ka waridun siratige la. A ko k'olu ka ko be sariya bolo.

**A. Lamu  
Badama Dukure**

## Sariya tara ka koperatiwiko nogoya

Arabadon, desanburukalotile 6, san 2000, minisiriw ka laadalatonsigi ye sariya do ta ka jësin koperatiwuko ma jamana kono. Bëe b'a don ko koperatiwuko daminen kabini nansaratile la; jekuluw don, walima tonw, jamanadenw be minnu sigi senkan ka sɔrɔw ke ani sanniw ni feerew n'u nogonnaw, nogoya la, min nafa be se tɔnden kelen-kelen bëe ma. K'a ta nansaratile la ka n'a bila bi la, labencogo ni sariya yere siratige la, koperatiwu tun be koron ka ben ni jamana ka politikisira-sigilen ye.

O siratige la, sariya do tara san 1963 zanwiyekalo tile 25 ka koperatiwuko labencogo kofo; zuwenkalo tile 10, san 1988, sariya wëre tara koperatiwuko kunkan.

Nka, o n'a ta bëe, koperatiwuko ma se ka jamanadenw dusu suma; k'a sababu ke feni camanye, i n'a fɔmögow diagoyali ka don koperatiwu la, ani forobabaara taabolow sabatibaliya ani koperatiwu jemögoyako, ani wari sɔrɔbaliya ka se ka koperatiwu deme, ka fara koperatiwu kɔneñabɔbagaw ka kalanbaliya kan. Yelemba min donna jamana taabolowla san 1991, n'o kera sababu ye ka bëe lajelen yamaruya ka ciyakeda dayele, ka tonw ni jekuluw sigi senkan, ka bëe ka yere mahɔrɔnya segin a ma, i yere b'a don i ka ciyakeda n'i ka ton be sabati ni tabolo minnu ye, i k'olu matarafa ka sɔr'a ma ke ni fanga ka diagoyali ye, o yelemba fana y'a wajibiya taamasen kura ka don koperatiwu kɔro.

Sariya kura in be koperatiwu kofo k'a geleya kosebe, i n'a fɔ nogonmine, nogondeme, tonw yere dama ka nogondeme, ka koperatiwu labaara demokarasi kadara kono, ani k'a sementiya ko koperatiwu ma dabotulonke kama. Nka min ye koperatiwu sigicogo ye, sariya kura in ye yelema don o la.

O la, koperatiwu mögow hake dögoyalen ka kan ka ke mögo 5 ye. San 1988 sariya tun y'a ke mögo 10 ye.

O kofe, i ka kan ka bo sira minnu fe, walasa ka koperatiwu sigi senkan, osiraw nogoyara. Bëe yamarualen don ka koperatiwu sigi senkan n'a diyara mogo min ye; sarati minnu b'a la, olu ye koperatiwu tɔgo sebenni ye sariyaso la, ani ka forobabaara labaaroni koperatiwu labaarali sariyaw la.

Forobabaaradaw ka fanga fegenyara kosebe koperatiwu kan, ka sɔrɔfangaba di koperatiwu ka jemögokuluw ma.

Nin sariya kura in bëna ke sababu ye ka koperatiwuko yiriwa kosebe, ka jamana ka hadamadenyakow ni sɔrɔkow sababi.

# SOFARA DUGU Y'A DELIKO LAMAGA

Nin ye laadalako ye min ma se ka wuli abada, k'a ta kabini lawale la, fo ka se bi ma; kura yere be ka far'a kan ! Sibiridon, desanburukalo tile 2, san 2000, Sofara dugu kono, togodaw yiriwali minisiri Ammedi Eli Madani Jalo y'a to baganw tigeli kene kan, ka na tilemakeyoro la, ka misisogo daminel walew sabati.

San o san, tilema waati la, sogoliw be ta ka nesin misiw ma, ani baganmisew i n'a fo sagaw ni baw. Misiw ka sogoli be ke fogonfogonbana kama, ani bana yelmatu were; sogoli in be misiw lakana san kelen doron de kono. Sagaw ni baw be sogi walasa k'u kisi bana tooroma, min togo ye nansarakan na ko «pesiti» n'a be baganmisew mine ka caya. Sew ta b'u kisi bana ma, min togo ye nansarakan na ko «Niyukasiteli» ka bana.

Samiye fe ni baji donna, bajoliba fan do be koron fe min ji be bonya kosebe fo k'a walankata ka don kungo kono. Ola sa, walasa ka misiw ni baganmisew kisi ka bo sumaya tooroma, feewer be siri ka taa n'u ye yorow la minnu ni baji ce ka jan kosebe. Baganw be segin ka n'u ka yorow la, tilema damine na; o y'a dama nena jeba ye diine fanga ye min sigi senkan a be san kemefila bo bi. Seku Amadu Bubu ye sariya ta nin cogola ka baganw n'u ka dumunikeyoro taabolow laben. Koba in labenna Masina fanga fe, sariya, forobabaara, politiki, soror, ani hadamadenya sabatili kadara kono. Jamana mogofamuyalen caman ka nininiw bora nin wale in kan, baganmarako siratigela. Kabini lawale sariya sigilenw de be senna hali bi, minnu be ke sababu ye ka baganw tigeli n'u ka dumunikeyoro be lajelen nenabo ni basigi ye, ben, bonya, ani karama kono.

San o san baganw tigeli be bensibiridon ma, k'a damine nowanburukalo tile tan ni duuru laban na ka t'a bila desanburukalo tile tan ni duuru folo la. Bagankuluw te tige kufu abada. Tigeli be damine kulu min na, an'a be laban min na, olu be sidonnen don ka bila kabini lawale fo sisan. Sanni tigeli ka ke, kulu saba be sugandi gundo la, sabu sugandilike law te don fo jaabiw bowaati. Kulu saba minnu be sugandi ka da wale saba kan: misidenbatigiu



ka kan ka soror kulu sabaw la; ani misidenw; ani nturaw ka fara nin wale saba kan misiw lakanacogo fana jate be mine, u ka taama kono na. O kofe sogolisben be jira min b'a sabati ko baganw tun be to ka laje bagandogotorow fe.

Miskulu minnu mana nin sariyaw dafa, olu tigiy be ladiyalifew soror.

Minisiri ye sogoliw damine wale in ke Sofara, walasa baganmaralaw be lajelen k'ona baganw sogoli waatisera. Sofara sugandili koro ye ko Moti mara y'an ka jamana baganmayoro folo ye; n'i ye jamana baganw be lajelen kemesarada, i b'a soror Moti mara kelen ta beben 22 ma; oluye bagankunbabaw ye in'a fo misiw n'u nognaw; o be ben miliyon kelen ni 350 ma. Min ye baganmisew ye, in'a fo sagaw ni baw, kemesarada la jamana kono, Moti mara ta ye 20 ye; o ye miliyon saba ye. Selakaw ye 12 ye kemesarada la; o be ben miliyon filanikemesegin ma. Minisiri Eli Madani Jalo ka wale in dabora bagankotigilamogow hakili jiginni kama baganw ka kene ya sabatili la.

Ni baganw ka kene ya sabatira, jamana caman ne be b'u fe; o b'u sanni teliya jamana kukan. Misiw ka fabanako min kuma kelen don ka dinel labosisan, anw ka baganw yoro ka jan o bana na i ko jegjalon ni baji; o banako in laban na ke sababu ye ka kow ni baw tige, ka kulubaw yelen ka na Mali baganw san. Minisiri Ammedi Eli Madani Jalo y'a to Sofara taama in senfe ka t'a nedu dugu ka bolonaaniforo kan, n'oye «perimetri irige» ye, min be ye malo ye, n'a be se taari 675 ma. Sofara arondisman dugu

wolonwula de be foro in senfe; a be Moti «ofisiri» ka mara kono. Miluzi ye Sofara deme ka badige sen ka t'a bila baji la.

Foro min don, ji be bila doonin-doonin ka don a kono. Miluzi b'a fe ka Sofara deme ka ji kamali k'a k'a sago ye; n'o kera malo soror be sabati kojuman. Ji koronni baaraw musakaw be lajelen be ben sefawari miliyon

114 ma; Sofara arondisman ka kan k'a jo ni sefawari miliyon 14 ye. An be don minna i ko biwari hake min sera ka fara nognon kan, o benna sefawari miliyon 6 ma.

Geleya minnu be foroko in na sisan o ye «diga» ye, ni daw k'a ma kungokonmaloo; ale ka jugu malo seneta ma kosebe. O kofe ji be bo kulu la ka malo tine, ani senekelaw yere ka baarakeminenntanya. Nin be etemenen kofe, Sofarakaw ma se ka bolonaani foro in labenko folo ke k'a sababu ke jisonge geleyali ye. Foro fana ma je ninan k'a sababu ke sanji dogoya ye. Ningelyaw be lajelen nefora togodaw yiriwali minisiri ye, a k'a ben'u mafile kosebe.

**Moriba Kulubali  
Badama Dukure**

## Bajiko lahalaya ka na se desanburukalo tile 15 ma, san 2000

Desanburukalo dogokun folo, bajiko lahalaya y'a jira ko do farala bajiw jiginni kan fan bee la fo n'a bora Tosayi la. Yen, bajoliba be ka don ka t'a fe.


N'a bora bajoliba la Bamako ani Sankaranin damineyoro la Selenge, desanburukalo tile 15, san 2000, ji ma don ka se salon ta ma, wa, a ma don ka se hake koren fana ma.

Ji jiginni ka teli ka teme salon ta kan, sanko bajoliba Moti yanfan na ani Senegaliba Kayi yanfan fe. N'i y'a jatemine ka fo ko ji ma bonya kosebe ninan, i be sigi n'a ye ko 2000 tilema ji jiginni be juguya kosebe.

N'a bora Bajoliba labanyoro la Gawo yanfan fe, don o don do be bo ba tow la ka t'a fe.

## Ofisi di Nizeri ka geleyaw

Geleyaba donna «Ofisi» kajisongo sarali la ninan, f'a kera sababu ye, nemogow ka mobili ta, ka don duguw kono, k'a fo senekelaw ye k'u ka na jisongo sara.



Usumani Jara

A be san caman bo, nin nognna ma deli ka ke «Ofisi dinizeri» kono. Geleya caman be «Ofisi» kono bi, nk'a si te jisongoko bo, bawo, san o san do be fara jisongo kan. «Ofisi ka jisongo ye tilayoro fila ye : Folo taari kelen jisongo ye sefawari 12.400 ye. Filanan taari kelen jisongo ye 10.600 ye.

Ni «Ofisi» senekela min desera k'a ka jisongo sara san kelen, o be gen ka bo «Kolon» na, ka mogo were bil'o no na. Hali n'o ya sor'i be san 50 bo jisongo sarali la, i be gen. O ye fen ye nin ka kan ka laje «Ofisi» nemogow fe ji nemajolen na; nka, u te baaraketengonya laje gennin na; sigiengonya ni dugulunya fana te laje. O ye fen ye min man ni de !

Sarati min be «Ofisi» n'a ka senekelaw ce jisongo sarali la, o ye marisikalo tile 31 ye. Senekelaw be sen damine mekalo tile 25, ka t'a bila utikalo tile 30 la. Mogi telimanw ni mogi sumamanw bee ka baaraw be ke nin waati kofolen in kono. Malo suguya caman be sen «Ofisi» kono sisani : Gabiyaka, Ba, Siberan (Hasi 15) ani malo suguya werew. Senekela telimanw be malokan damine okutoburukalo la.

Nka, Ala ni jisongoko geleya fe kabini setanburu kalo la, «Ofisi» nemogow be kumaboliseben d'u ka senekelaw ma, ka bee ka jisongo sarata fo. Misali la, n'i ye senekela mekalo la, san 2000, o jisongobe sara san 2001, marisikalo tile 31. Nka ni san 2001 zanwiye kalo jora, da be senekelaw ye, sunogo t'u ye, k'a sababu ke n'i ka jisongo ma sara, i be gen ka bo kolon na. Ne b'a nini «Ofisi» nemogow fe, u ka baara kenengonya laje u ni senekelaw ce. Nisenekele min ma se ka jisongo sara san kelen, nemogow k'o jenafile.

Usumani Jara senekela

## Fiyentow ka Tigafori ye faratiba ye

Ne y'a kolsi an ka yorow la, Ala be ka maa minnu garijegé ke jenabana ye, n'ute yelike, maakorokunda, nitigafori sera, d'ow b'olu bolo mine, ka t'u bila ligafori la forow kono. Mogi minnu be t'u bila, olu fana laban be taa baara la foro werew kono, ka fiyentow to yen. Hali denmisen kelen te to fiyentow kerewe. Aa, nin ye kojugu ye de !

Tigaw lajelen nognan forokono, n'a fora ko mogo min ne te ko la, k'o ka taa tiga ta k'o fori, o ye manumanko ye de ! Nin wale in man ni k'a sababu ke feniengama d'ow be se ka soro tigatonw jukoro, u t'olu ye. O tuma, n b'a nini mogow fe, u ka nin wale in dabila.

Basiru Kulubali  
Balikukalankaramogo  
Sananko - Negela.

## Bamananke, fulake, ani dugu masake ka maana

Nin kera bamananke do ani fulake do ye. Olu fila jera ka bin dugu masake muso kan. Tuma min na masake b'or'o kalama, a ye dugudenw bee wele, k'a jir'ula kobamananke nifulake binn'ale muso kan. Ko fila t'a la : bi, kelen be kobo; ni dugu jera to kelen be faga. Fulaw te ban u ka fulaya la; kabini dugu masake ko kelen be kobo bi, ko tokelen be faga sini, fulake ko masake ma k'ale kokili be k'a neje. Uye fulake kobo. Sanni dugu ka je delilikelaw sera masake ma; fagali b'or'a ma. Fulake ko : « Ala boni, i k'a don bamananfanga be tile kan min kan, a te si o kan ! Uko dugu mana je tokelen be faga; fagali ma bo, kokili tinen ! »

Modibo Sidibe  
Ntobugu - Namina

## Poyi : Musoya

Musoya, segen ani muju. Muju ani sabali. Du cibaga ani du jobaga. Du sutura ani du lebu farabaga. Ka walidenw lamo, k'a yeredenw lamo. Jon ko muso te fen ye ? Ko ni cew wulila ko muso te fen ye ! N'u dara, ko muso te fen ye ! N'u sigira, ko muso te fen ye ! K'a soro jamana in yiriwabaga folow do ye muso ye !

Nofan Jara Binan - Merijela komini

## Poyi : Denkelendemebaga

Denkelendemebaga !  
Ee Ala ! Kodonbaliya ka jugu !  
Ni ne ko kodonbaliya ka jugu, mogi minnu kera furakisnen ka jowye, aw de ko don !

Aw be fura ta, dogotoro ma min d'aw ma, aw yerew t'a sidon, k'o be barika don aw la, k'o be fanga d'aw ma, ka dusu don aw kono, a ka baaraketaw bee la. A fo farati temenen b'o kan ? A fo yerefagasuya temenen b'o kan ?

Wa kodonbaliya temenen t'a kan !  
Aw sigilen file : Denkelendemebaga mana fanga ni galabu ni dusu don aw la, ka se hake min ma, o b'aw barika ban ka tem'o hake kan ! Ne ko : Tilekongola ni sikongola ma dusu min don denkenin kono, cibaraninfo ka donkili be se k'o don o kono wa ?

Denkelendemebaga, k'a ta dugubaw kono, ka se dugumisenw bee la, « E » kera kogoye, ka bo anw ka naw bee la. Hali an ka fijenkonjiw, i y'olu bee lanogo.

Denkelendemebaga, nokalaso bolibaga, i b'i yere kan !  
Poyi, denkelendemebaga, Ala kana maa seere k'i jugu ye !

Negeta Kulubali  
Kalabankoro Bamako.

## Poyi : Ne koori !

Ne koori segenna de !  
Nogo juru be ta ko ne koori !  
Kabanogo be ta ko ne koori !  
Juru werew be ta ko ne koori !  
Muso be furu ko ne koori !  
Bana mana na ko ne koori !  
Du musakaw ko ne koori !  
Mun na fen bee be bila ko ne ?  
Senefen werew te yen wa ?  
Ne koori segenna de !  
Doni ka girin ne koori ma !  
Fen were ka ne koori laabi sa !

Yaya Kone  
Balikukalankaramogo  
Bunjoba - Kolosba

## Hakilijagabo

1°) Cikela mana kɔrɔ cogo o cogo a b'a ka denmisən sɔn bɛe bila fo sɔn kelen.

O ye sɔn jumen de ye ?

2°) Nin kera sotigi fila ye; u bɛe n'u ka so. K'u ka boli ka bo Bamako suguba la ka taa kibaru bugufiyε la. Ni so min fɔlɔ sera, o te ladiyalifɛn sɔrɔ. So min mana to kɔ, o de bɛ ladiyalifɛn in sɔrɔ.

Nininkali: Cogojumén de bɛ kɛ walasa so minnu ka dakabana boli kɛ ?

Nininkali : Dajε sure kelen bɛ nin kulu saba in bɛe kelen kelen na. A' ye dajε sure in labɔ kulu in kelen kelen na.

a) Kulu fɔlɔ: Wulu, sulu, dijε kalanso, buguso, nunu

b) Kulu filanan : Gafe, kibarusebɛn, sigareti, diden, kaye.

c) Kulu sabanan : Di, taji, fɔno, nɔno, kalan, neji sanji

## Jaabi :

1°) Cikela te denmisən sɔn kelen min bila, o ye tɔ şira file de ye. Ni to dumuni waati sera cikela bɛe bɛ to k'u kun wuli k'a laje tɔw bɛe bɛ nalen.

2) Walasa sow ka dakabana boli kɛ, an bɛ sow falen. Omana ke bɛe b'i ka so kuřa dasi kosebɛ, walasa o na ke fɔlɔ ye.

3°) a) Kulu fɔlɔ la dajε sure ye Wulu ye, sabu fɛn bɛ don ka mara tɔw bɛe kɔno fo ale kelen.

b) Kulu filanan na, dajε sure ye diden ye, sabu sɛbenfura bɛ sɔrɔ tɔw bɛe la fo ale kelen.

c) Kulu sabanan na, dajε sure ye kalan ye, sabu ji bɛ sɔrɔ tɔw bɛe la fo ale kelen.

Burama Sidibe ka bo Sirakɔrɔla  
Kulukɔrɔ

## «AKODEPU» ye Diyo

### Musow kalan

An ye tile tan ni duuru kalan do ke Kanabugu, min sababu bɔra «AKODEPU» la. Kalan in bolila musow degeli kan wari labaaraacogo la. Muso minnu tun be kene kan, olu tun be se muso mugan ma. Kalan kera bonya ni hɛre kɔno. Kalan in cogo nɛna kosebɛ, wa an ma geleya sɔr'a kɔno.

Mamuna Watara  
Balikukalankaramogɔ  
Diyo Bamabugu Kati.

## Faamaw ka kan ka wari caman bɔ

An be don min na, i ko bi, Mali ntolatanko kelen don kɔnɔnafilikoba ani maloyakoba ye maliden bɛe bolo, sabu ni Mali ntolatannaw taara jamana wɛre la, o jamana b'u dagakolonci, k'u filenkolonci; wa ni jamana wɛre nana ntolatan na Mali la, o ka jugu n'a to bɛe ye.

Kayi «sigi» nɔgɔn te; mɔgɔbilan nɔgɔnna te ! Kayi ntolatanton «Sigi» ye baara kɛ kosebɛ ninan, ka d'a kan a ye bi naani don Moritani na; Moritani ma fosi don «Sigi» la. O diyara malidenw bɛe lajelen ye. O tuma, Mali ka kan ka ntolatannaw dɛmɛ. Ni faamaw ma wari caman di ntolatannaw ma, walasa u ka baara kɛ kosebɛ, a ma bɛn fɔlɔ de !

Faraban Balo  
Fuladugu Kotuba  
Sebekɔrɔ mara.

## An ka ko to nɔgɔn ta la

Ne ye kibarusebɛn kanubaga n'a kalanbaga de ye ! A kalan ni do senfe, n'y'a ye kibarusebɛn bɔko 344 nan kɔno, n'oyesetanburukalonimoroye, kogelεya bɛ Diyo-gari meri n'a ka baarakejekulu bolo. Ne hakili la u ka geleya ju bɔra politikimogow de la.

Nb'a jini n balima Diyo-gari komini dugu wolonwula mɔgɔw fɛ, u ka geleya ban u ni nɔgɔn ce. U k'a don ko san 1997 ni san 1999 kalafiliw si ma ke ka ne, Mali fan si la. U k'a dɔn ko «ADEMA» tɔn ye fangaseginso baara kɛ ni tɔgɔjini baara de ye! U k'a dɔn k'u ka geleyaw nɔgɔn caman de tun be jamana kɔno. Komini dɔw ye kow to nɔgɔn ta la, ka geleyaw ban, ka je ka baaraw kɛ.

Nb'a jini Diyo-gari komini mɔgɔw bɛe fɛ, u ka sɔn ka geleyaw ban u ni nɔgɔn ce; u ka je ka komini baara, sabu jekabaara nɔgɔn te. N be Diyo-gari komini dugu wolonwula mɔgɔw bɛe fo, ka meri n'a ka konseyejekulu fo. Ala ka bɛn sinsin Diyo-gari kɔno. Ala ka Mali taa ne.

Burama Sidibe  
Sirakɔrɔla «CAR».

## Senekelaw ka kan k'u hakilito baloko la

Nin ye laadilikan ye ka nɛsin şenekelaw ma. Ninan, kɔri ma sɛnɛ, nka an ye balo

caman sɛnɛ. N'ala sɔnna balo be sɔrɔ. Ni balo sɔrɔla, an k'an hakili to waati natawa la, sabu sɛnɛkela ninɛ ka di geleya kɔ. Ni kɔri ma sɛnɛ, an hakili te nafolo sɔrosira wɛre la, nka balokogelεya ka jɛgu ni geleya bɛe lajelen ye sɛnɛkela bolo.

Ni nɔtigemuru tara ka ban anw fɛ yan, bugunikaw ni welesebugukaw be girin ka na banankaw ka balow sanda'duman suguya bɛe la, k'o sababu kɛ warikogelεya ye. N'an y'an ka now bɛe feere mobilitegiw ma, ni samiyɛ sera, an be to geleya la fo ka taa jo kura tige. Bolofa be ninan ta kan, k'a sababu kɛ wari sɔrcoco si t'an bolo ninan.

Senekela jigi dalen don fɛn fila kan : Koorisawaati, ani nɔtigewaati. Ninan ta ye waati kelen de ye, n'o ye nɔtigewaati ye. N'an m'an hakili to an yere la, julaw b'an nɛgen k'an bila kɔ jabali kɔfɛ; o dun te hereye senekela ma, kerenkerennnya la anw banankaw. Banan yan, sɔrosira wɛre te yan senefern kɔ, sabu sira te ka Banan ni yɔrɔ wɛrew bila nɔgɔn na. O kɔson bugunikaw ni welesebugukaw be banankaw k'u sago bɛe lajelen ye san o san. O tuma, an k'a hakili t'an yere la balofereko siratige la.

Siyaka Jara  
Balikukalankaramogɔ  
Dogo - Buguni

## An ka yɛlɛ dɔcɔn

Mɔgo kera cogo o cogo, hali n'a kera tile kelen dunanya ye, i'b'o kɛ. Nin kera ce do ye; a taara dugu do la; a jiginna cɛkɔrɔba do kan. Denkenin kelen bɛ cɛkɔrɔba in fɛ, min nɛnatigelen don dɔɔnin. Tuma min na dunankɛ donna du kɔno, cɛkɔrɔba k'a muso ma : «Na ji di dunankɛ ma, a k'a min». O kɔfɛ, cɛkɔrɔba k'a muso ma, ko dumuni ma mɔ fɔlɔ wa. Muso k'a ma mɔ dɔɔnin. A ko muso k'a teliya, dumuni ka mɔ, sabu kɔngɔ be dunankɛ la.

Dumuni mɔna tuma min na, muso nana dumuni sigi cɛkɔrɔba kɔro, k'a kof'a ye. Cɛkɔrɔba ye dunankɛ wele, an'a yere denkenin. U mɔgo saba ye dumunike damine tuma min na, dunankɛ ye bolonjefolotige k'odun. Ayebolonjefilānan tige, k'a b'o dun tuma min na, denkenin ko : «Ee Baba, nka dunankɛ in bolotoden ka bon !» Cɛkɔrɔba k'a den ma : «I te bɔ n kunna wa ! A y'a f'i ye k'a be nin dun, ka tila ka dɔwɛre tige wa ?»

Kabin'okera dunankɛ wulila ka bɔdumuni kunna. Cɛkɔrɔba n'a denke, jɔn ye dunankɛ gen ka bo dumuni kunna ?

Basiru Kulubali  
Balikukalankaramogɔ  
Sananko Negela Kati

## Jamanaw ka netaa sirilen don dugumakalan sabatili la

Karidon wulada fε, san 2000 nowanburukalotile 26, «loteli dilamice» njogonyesoba «Jama» kono, ni mogo min ye dije seleke naani waribonba «banki monjali» ka hadamadenya sabatili ciyakeda njemogo, Birigeri Ferederikisenni ka kuma folen dow jatemine, i b'a don ko lajerekun tun be Mali, Senegali, Nizeri, Burukina Faso, Lagine, ani Cadi jamanajemogow n'u ka kalanko minisiriw la Mali kono



dunanjiginyoro fila la, n'o ye «loteli di Lamice» ni «loteli Salamu» ye, san 2000 nowanburu kalo tile 24, 25 an'a 26.

Nin don, Birigeri ye kuma ta «banki monjali njemogoba Jemisi Wolifensenni togo la, k'a jira k'an be don min na i kobi, jamana si te dugukolo kukan min te ka barika don kalan na; a y'o misali ke lamerikenw ka jamanakuntigisigi ye, ka sababu ke mogo o mogo y'a kanbo jamanakuntigya nɔfε, a kelen-kelen beε k'u be kalan yiriwa.

Banki monjali ka ciden in y'a jira fana k'a be san biduuru bɔ bi, dije seleke naani na, hadamaden beε lajelen benn'a kankomogokelen-kelen beε ka kan ka kalan; o tuma hadamadenya taabolo yere de ye kalan wajibya an beε lajelen kan.

Birigeri ye nininkali nənama saba ke : ko yala senekelaw, baganmaralaw, moɔnikelaw ani bololabaaarakelaw ka sɔrɔw be se ka bugun cogoya jumen na ka sɔr'ut'ubolo dayɔrɔdɔn, ka kalan ke, ka sebenni ke, ka jate bɔ ? «Yala yelema be se ka don hadamadenya taabolow la, k'u ladamu ka bila yiriwali sira kan, ka sɔr'ula fanba n'oyemusow ye, olu te hadamadenya yere sinsinni kolomayɔrɔw dɔn, i n'a fo keneya, saniya, balocogo, sigida koñew, sigida

mogowlahalaya anifasodenjumanya?

«Yala mogobε sekijigi da demokarasi sabatili kan cogoya jumen na, maracogo numan te taa demodaarasi minko, ka sɔrɔn'iye balikuw sigiyorɔmɑ naani ta, i b'a soro saba ye kunfinw ye ?»

Nin walew de kɔson jamana woɔro kofolenw n'u ka kalanko minisiriw ye njogon kunben Mali kono, ka kalankow fεsεfεsε, sanko dugumakalanko. In'a fεdow y'a sabati cogo min na, faantanya ni kunfinya te se ka kεle abada ni barika ma don dugumakalan na. Jamanajemogow nikalanko minisiriw dɔrɔn tun te kene kan. Nafolokow minisiriw fana tun be yen ani lakolidensomogow ni lafasalitɔn «sendika» mogow, ka fara dije seleke naani demelijekuluw beε lajelen kan, i n'a fο «USAID», «Pilan enterinasiyonali», «Farankofoni», «Negerilandew» ka demelijekulu, «Faransi» ka demelijekulu, «INISFU», «INESIKO», «Banki monjali»

K'a ta Jɔmuçen njogonnajereba la, Tayilandi jamana kan, san 1990 marisikalo tile 9 la, ni dije seleke naani tɔnba «ONU» ka tɔnden 155 tun b'a kene kan, ka n'a bila Dakaro njogonyeba la awirilikalo la, san 2000, kɔrɔfow bolila ninnu beε lajelen kan. Jɔmuçen kene kan, a tun jirala ko sanni san 2000 ka se, denmisennin kelen-kelen beε, funankenin kelen-kelen beε ani baliku kelen-kelen beε ka dɔkalanika kanna, walasa ka hadamadenya sabatili taabolowfaamu. Dakaro njogonkunben nana ke ka san tan baara kelenw jatemine. A kɔlsira ko baara minnu tɔra o ka ca ni minnu kera ye. Kemesarada la, jamana dɔw ka mogokalannenw sera 38 ma; dɔwy 50 soro; dɔw ka ca n'o ye. Jamanaw ka sew te kelenw ye.

Fεsεfεsεli kelen kɔfε, minisiriw benn'a kan Bamako tɔnsigi in senfe, ko sanni san 2015 ka se, beε lajelen ka kalan, k'a bolo dayɔrɔ dɔn, sanko denmisenninw. Jamanajemogow y'u ka yamaruya di k'o wale ka sabati. San saba o san saba, jamanajemogow be njogon kunben ka kelenw mafile, ka

kεtaw boloda. O siratige la, jamana kelen-kelen beε sɔnna ka kalankow musakaw tilance don dugumakalan dafε. Ujenna n'a ye ka lakolikaramogow camnta, minnu faamuyalend onko sebe u ka baara la. U'y'a sementiya ko kalan ka kan ka k'an kanw na.

Walasa baaraw ka se ka nogoya, fo jamanaden beε lajelen ka kalan yiriwali k'a haminankoba ye jamana kono. Goferenaman, lakolikaramogow, lafasalitɔn lakolikaramogosomogow, ani depitew beε lajelen k'u fanga n'u kan ke kelen ye ka dugumakalan ni balikukan yiriwa.

Bamako tɔnsigi ye taakasegin ke kuma nafama min kan, oye warilabaaracogo numany. Obaaraw ka ke ni tilenenya ni jelenya ye, walasa dije seleke naani hadamadenw ka nininta ye fεn min ye, o ka soro; n'o ye hadamadenw beε lajelen kalanni ye.

Mogo minnu y'u sinsin nin yɔrɔ kan kosebe, oluye dije seleke naani demeli jekuluw ka cidenw ye, n'olu jamana sentanw deme ni nafolo ye. U'y'a jira k'olu ka deme mana bonya cogo o cogo, a tεna magoje ni jamanadenw m'u ka kalankok'uhamiye, ka nafolow don u dondaw fε.

Demelijekuluw jenna n'a ye ka dolariwari miliyon 40 walima 50 di san o san, jamana woɔro ninnu kelen-kelen ma, fo ka t'a bila san 2015 la, walasa jamanadenw beε ka kalan jamana woɔro kono o san kelen wari be ben dolariwari miliyon 300 ma. An be don min na i kobi, dije seleke naani na nafolo hake minkerenkerenna dugumalakoli yiriwali kama, a be se dolariwari miliyon 500 ma.

A be se ka fο ko Bamako tɔnsigi in ka kan ka ke beε lajelen hamieye, an ka jamana woɔro ninnu kono, k'a damine goferenaman na ka t'a bila togodalamogow la, beε lajelen kunko don. Jɔmuçentemena, Dakarotemena ka soro ninintaw ma se ka soro. An ka kan k'a ke cogo beε la, sanni san 2015 ka se, an ka laniniw ka sira soro.

A kana ke waritinefu ye, sanko an be don min na i kobi, denmisennin miliyon 113 t'u bolo dayɔrɔ dɔn; o kɔfε baliku miliyon 880 be kunfinya dibi la. Min y'a ko la kumajugu ye, o kalanbaliw fanba be farafinna, kerenkerennenya la Mali kono.

**Badama Dukure.**

## San 2001 hijitaa kojew dantigera

Jamana lamini ni sigidaw minsiri k'a be Mali silamew ladonniya ko san 2001 hijitaa musakaw bee lajelen be ben sefawari miliyon kelen, ani ba a keme ni waa wooro ni keme saba ni mugan ma. Wari in bee lajelen dondaw dantigecogo file :

- Bamako - Jeda - Bamako pankurun sara : sefawari baa keme ni bisaba ani doreme baa naani ni keme wolonwula.
- Hijidenw ka musakaw Sawudiya jamana kan: sefawari baa keme ni baa binaani ani doreme baa segin ni keme fila ni mugan.
- Wari hake min be segin hijidenw ma Makan : sefawari baa mugan.
- Hijiden kelen-kelen bee be wari hake min sara Senu pankurun jiginkene kan, ani mobili (kaari) biye songo : sefawari baa fila ni kemewooro.

Banki niyoro : sefawari keme segin A bee lajelen be ben sefawari 1.531.600 ma.

Hijidenw ka furakeli n'u neamaaya mineli musakaw te nin nafolo hake kofolen na. Goferenaman yere b'a jo ni neamaaya ni furakeliusakaw ye.

Jamana lamun ni sigidaw minisiri k'a be jama ladonniya ko togosabenw be ke jamana lamini ni sigidaw minisiriso la k'a damine desanburukalo tile 13 la ka ta

bila san 2001 zanwiyekalo tile 26 la. Warisara ni togosaben be ke nogonfe. Wariw be sara jamana ka waribon na, no ye «B.D.M SA» ye.

Pankurunjekulu «ERI» Afiriki «b'a» jo ni hijidenw ka taamali kojew ye.

Hijidenw be bo yan k'u kunda Makanjamana kan san 2000 fewuruyekalo tile 10. U be kosegin ka na k'a damine marisikalo tile 10 k'a n'a bil'a tile 12 la, san 2001.

Hijiden kelen-kelen bee yamarualen don ka taa ni kilo 30 ye, ka segin ni kilo 40 ye. Hijiden natu ka kilo kelen-kelen bee be sara Sawudiya wari 10. Fen min mana yelen kilo 40 kan, o kilo kelen kelen bee be sara iriyawari 20; o wari be sara Jeda.

A nininen don jamana konona hijidenw bee fe, u bee lajelen ka nogon soro yan Bamako zanwiyekalotile a 28, san 2001, walasa ka labenni labanw ke. Nin don kofolen kana se abada ka soro hijiden bee ma se yan.

Hijidenw ka kan k'u hakili to labenw na, keneya siratige la, i n'a fo sayi ni kanjabana bolociw.

O kofe, a nininen don hijiden kelen-kelen bee ka bo Mali la yan n'u yere foto 12 ye, n'olu y'u ka bugunnatige fotow ye (kariti dante).

## Fura do soro min be sacinnda baga kelle kosebe

An be don min na i ko bi, ni san o san sa be mogo miliyon kelen cin farafinna, ni sacinda baga be ke mogo 20.000 sata ye, faransikaw ka ciyakeda min nesinnen don yiriwali kojew nejinini ma, «I. R. D» b'a fe ka fura do jago, min ka tel ka sacinda baga faga yoronin kelen. Fura in togo ye ko «FAW AFIRIKI»; a sifilela Kameruni dogotorosobaw la; a sabatira k'a fo'ka ka ni sacinda ma kosebe, wa a te baasi were lase banabaato ma. Min tora sisan, o ye fura in lasecogo ye togodalamogow ma sabukemesaradala, sacinbaato 10 dorondobe seka fura ke togodaw la. «I.R.D» ka neinkelaw ka fo la, banabaato minnu be taa dogotorosow la togodaw la, ani minnu be ta ka dugubaw seger, o banabaatow caman yesacinaatow ye; u caman kirinnen be se dugubawkono. Farafinna, sa minnu ka jugukosebe, olu yengorongofin, nkara ani fonfonnin ye; fonfonnin ye suguya fila ye. N'i ye sacin baatow kemesarada, i b'a soro 85 ye senekelaw ye, kerekerehnenya la minnu be jiriforow kono.

Tine don, «serumu» fana ka fisa sacintow ma kosebe, nka kemesarada la, a kolosira ko «serumu» be baasiw lase mogo 30 ma. Min ye fura kura in soro, no ye AW ANLISI PASITORI ye, ale ye fura koro laben kojuman, cogoya la min b'a to fura in be sacinda baga kelle kosebe, ka sora ma baasi were lase sacinbaato ma. K'a sababu ke fura in te baasi lase hadamaden ma, n'a kolosira ko sa ye mogomin cin, o yoronin na fura in be se ka k'a tigi la.

«I.R.D.» y'a jira ko sacinda hake be se miliyon 5 ma dije kono; olu la miliyon 4 be Azijamanaw la, miliyon 1 be Farafinna, 350.000 be Amerikijamanaw la. San kono, sacinda be ke hadamaden 125.000 sata dije kono.

**«A F P»  
Badama Dukure**

## Wale min kera Tinesako

Larame ni sorodasikorow ka minisiriso tun ye laseli do ke k'a jira ko wale do w kera Tinesako, Kidali mara la, karidon, desanburukalo tile 3, san 2000. Wale kofolenw kera cogoya min na, o file : Banbaganci minnu be wele ko Mahanga ka sere, olu taar'u da bolocilaw ne k'u kolosibagaw ka mogo kelen faga, ka fila jogin, ka naani mine.

Bee benna min kan ko walew ker'o cogo la, o ye ko bolocilaw kolosibaga sorodasiekulu ka jalatigi farala ka botow la ni sorodasi damado ye, k'a be taa kerefelaw laje ni banbaanci birilen te ye k'u kono; u yaalato taara bala Agi Mahanga ka mogow la, ka bin u ka jo kono. Sorodasiw ka jalatigi fagara banbaanci fe, ka sorodasi fila jogin. U sorola ka sorodasiw ka mobili mine ka

bolocilaw magen; a ker'olu kono k'u taamajogon sorodasiw don; tuma minna u ye mobili natu ye wale in bala kojugu mogow la, si ma se k'i lamaga Tinesako dugu kono.

Banbaanci ye sorodasi naani mine ka tunun n'olu ye sahelikungo fantabantan kono, yoro la min be wele ko Tasimama. Uyeredorond'e b'o kungoda in don.

Sann'a ka segin a ko, larame ye daga sigi banbaanci da la o yoro kelen in na; o y'a soro u taara ni keneya tigilamogow ka mobili do ye min be wele ko «Toyota likisi». Baganmaralaw benna ni sorodasiw ka mogo tununnen do ye ka no ma, ka na no ye dugu kono.

**Tita Zan Piyeri  
Badama Dukure**

## Moti malosenenaw m'u sigi k'u bolo fila d'u sen kan

Kubi ye dugu ye min ni Seware ce ye kilometere 64 ye; a sigilen don bajoliba numanbolofe. In'a fo Moti sigida caman be cogo min na, ni telima sera kubika denmisen caman be taa tunga la. Walasa nin wale in kana ke laada ye san o san, ka denmisen kenemaw beej lajelen laboka taa tungafe, sigida caman mogow ye feerew siri ka maloforo kerkenkerennen laben, minnu be se ka sene tilema waati la, n'u be wele ko «bolonaaniforow», ni nansaraw k'u ma «perimetiriw». Kubikaw ye sefawari miliyon 7 juru ta kenyereye do fe, ka bolonaaniforo taari 20 laben. Taari 20 in na, kelen kerkenkerennen don k'o ke malosiyw labenyoro ye.

Kabini ni nafaw yera, beej lajelen girinna ko'u ka wale in nogon ke, sanko minnu tora, olu de tun ka ca kosebe ka teme minnu ye deme soror kan. O kelen, kenyereye kelen in sonna ka sefawari miliyon 11 juru don malosenenaw la. O warikera sababu ye ka taari 36 laben ka fara korenw kan, ka taari 3 kerkenkeren k'olu ke malosijenw labenyorow ye.

Osankelen in na bolonaaniforo senekele camany u ka juruw sara ni maloye, in'a fo benkanseben y'a nini cogo min na, u ni kenyereye in ce. San min dar'o kan Ala y'a ke malodunkonow ye dankari sorow la. Salon, san 1999, ji bonyana k'a damateme ka yelen malosun fitininv kan, ka senekele 110 ka sorow don bogoo la. O koso, n'a bora bolonaani forotigi folow la, malosenena caman be yen juru be minnu na.

Ala ka nin walew m'u fari faga, ji ani k'ono ka tijeniw, sabu u ye deme nini ciyakeda fe min ka baaraw nesinnen don deme kerkenkerennen tali ma ka senekele seger, walasa k'u kisi balonntanya ma, n'o ye «PSSA» ye. U y'a nini ciyakeda in fe, a k'u deme k'u ka «bolonaaniforo» laben kokura. Senekele yere ye bolonaaniforo min sene u yere, n'a m'a ke ni deme ye, o foro digiw tun ma gosi ka ne, u be se ka ji bali ka foro tijne cogo min na. Ji ladoncogo fana tun ma laben ka ne kosebe. A jirala ko bolonaaniforo in labenni musakaw beej lajelen be ben sefawari miliyon 123 ni baa 377 ani 530 ma. Ciakeda min ka kan ka baaraw ke, o sugandira ka ban.

Labenni konew sumayara kosebe sabu a kumaw fora kabini salon, san 1999.

Baaraw lasumayali sababu bora warikowtaamacogon'u nenabocogola, minnu ma senekele law kun minne kosebe; a kumaw cayara kosebe! Senekele law korotolenba don, sabu sanga ni waati bee, baaraw damineli be boloda, ka labank'a b'ama. Awalegelyara kosebe Kubi senekele law ni «PSSA» ce. In'a fo Dagawonina ni Jimitongo, Kubi fana b'a fe ka salaya «PSSA» baarakelaw sirataamali la. A ko geliyara sabu «PSSA» baarakeda fana te se ka sariya soror.

Bolonaaniforo do fana be dagawoninakaw bolo n'o ye, taari 19 ni 50, min ka kan ka laben kokura; o musakaw be se sefawari miliyon 60 ni waa 364 ani 740 ma. Jimitongo fana ka bolonaaniforo ya taari 20 ye; omusakaw be ben sefawari miliyon 25 ni baa 172 ani 510 ma. Nin bolonaaniforo fila ni kubikaw ta beej lajelen baaraw lasumayalen don.

Nka jimitongokaw ni dagawoninakaw y'u jija k'u ka bolonaaniforow labenbalu sene ten. Ton 5 sorola taari kelen kelen bee la, fo ka se toni 8 ma. N'i y'a ye ko malosenenaw serak'a nin soroba in ke foro labenbalu la, u ye malosenecogo kura feerew de labato kosebe, minnu be tali ke sene waati d'oni na, ani malo turucogo ned'oni ani bagannogo doncogo numan dugukolo la, ka fara fenjenamaw fagacogo kura kan, min te posoni keli ye foro kono; sabu o kalanse kura nalen don min be ke senekele law kun n'u b'a wele ko «foro - lakoli - senekele». Nin kalancogo kura in be senekele law dege fenjenamaw fagacogo numan na, ka sor'i ma posoni ke foro kono. Kalanse in be ke sababu ye senekele ka se k'a ka foro dugukolo sidon kosebe, ka malo yere juguw n'a niw don ka bo nogon na, ka malo juguw kele cogoyaw don kosebe.

Senekele demeli ciyakeda kerkenkerennenin, «PSSA» kera sababu ye ka malo suguya do ladon Moti mara kono b'o wele ko «kogoni 91 - 1» min be ne kosebe sabu a taari kelen na, ni fen ma soror, o ye toni 5 walima toni 8 ye; wa malo in ka timi kosebe; hal'a nantan be se ka dun. Bolonaaniforo be dugu minnu na, olun'u lamini dugumogow beej lajelen ye malo tow to yen ka malosi kura in sene. Jimitongokaw ka bolonaaniforo malo sera ka ban; a tigeli daminen

kabini nowanburukalo dogokun folo. Jimitongokaw ni dagawominakaw b'a fe ka feere nini k'u ka bolonaaniforow sene tilema fe. Walasa naniya in ka sabati, u jigi dalen don forow labenni kan. N'u ka bolonaaniforow labenna ka d'u ma, o n'u deme ka kongo nata in kunben Moti mara kono.

Nka kubikaw ka bolonaaniforo labenni musakaw be son ka caya kosebe, sabu a kora; a be sanji 12 bo bi. Senekele law jigi dalen don a kan ko «PSSA» b'ena foro in laben ninan, walasa u ka labaara tilema fe.

Bolonaaniforo labaarakelaw kundigi, Usumani Tarawele y'a jira ko ni foro in ma se ka labaara ninan tile ma, a magosaba be taa sefawari miliyon 17 ni 600.000 la. An be don min na i kobi, san o san u be sefawari miliyon 1 ni baa 60 ani 800 sara Moti maloseneseriusida «Ofisiri Moti» ka jisamamansin tonkoro; o ni te mansin tuluko n'a musaka misen tow la.

Dagawomina ni Jimitongo musow ka bolonaaniforo minnu kerkenkerennen don nakosene kama, olu fana labenni bolodalen don «PSSA» fe. Nka sanni «PSSA» ka baaraw damine, musow fara-farala nogon kan ka ke jekuluw ye ka juruw ta ka baara dow ke.

O siratige la Jimitongo musow b'u ka julu bee sar'a waati la. Wari hake min julu tara musow fe, o tun ye sefawari 550.000 ye; muso kelen-kelen bee ta tun ye waa duuru ye. U ka baaraw nesinnen don sokonomasiriw ma i n'a fo daraw ni birifiniw ni dalaridow n'u nogonnaw ani ka malo woro k'a feere. Kosa in na, u tun sera ka wari hake min kerkenkeren ka mara kerefe, o benna sefawari baa binnaani ma.

«PSSA» ye cew fana fo kosebe sabu sefawari miliyon 1 ni baa 262 ani 500 min maralentun don u fe, o kera sababu ye u ka se miliyon 2 julu sorobanki la ka malogosimansin do san san 1999. O banki wari to tora baa bisegin ye, min ka kan ka sar'u fe. Cew hakili b'a la ka julu in to sara ninan. «PSSA» konew nenabobaga Tibu Fayenke y'a jira ko nin wale n'u nogonnaw be waritigw limaniya ka juru don dugumogow la. A ko n'u tora nin taabolo in kan, ale b'u deme jurukow la kosebe.

Moriba Kulubali  
Badama Dukure

# NAFOLOW DANTIGERA KA BEN DIJNE BILAMA LAHALAYA MA

San 1999 kalosaba laban nafolotaabolo y'a sorgeloya be kosebe, sorgoko siratige la, k'a sababuw ke koori ni sanu songow binniyedijne lamini bee lajelen na anitajin'na wannahadonni musakaw damateme gelyea jamana kono. Koorko gelyaw ye dankari kosebe sorgoko la. Walasa nin lahalayajugu kana ke sababu ye ka san 2000 lajinini bali wariko siratige la, goferenaman ye feere dowsiri, san 1999 nowanburukalowaati, jamana gelyaw n'a wariko labencogow nejinini senfe, i n'a fo do boli san 2000 wari sorotaw la jigi be da minnu kan san o san; o wariw bee lajelen dantigelen donwalanbadokan, n'oye goferenaman ka warilabaaraw dantigeli walani ye, n'a be wele nansarakan na ko :

«T. O. F. E». Do boro waati la, walasa goferenaman be se ka baara minnu ke tine yere la, gelyea la, jamana kono. Okofe, ben ker'a kankodoka bomsakaw fana la, k'u kerkenken ka ben baara nafamabaw, jamana te taa minnu sabatili ko, walasa wari deseta kana caya.

Mekalo temenen in na, san 2000, cogoyaw ninina musakaw dogoyali la k'a sababu ke jigiw dalen tun don wari sorota hake minnu kan san 2000 kalosaba folo kono, o wari ma se ka dalaje, ka laboli ke, k'a sababu ke koori songo binni ni dijne lamini tajikogeloyaw ye.

San 2000 kalosaba folo wale do fana kera yelema donni ye goferenaman na, min kera fewuruyekalo, n'oyebulonba wajibya ka yelema dwo dno nafoloko dantigecogola, san 1999 disanburukalo waati la.

Nin walew bee lajelen faralen gogni kani, ani feere min sirila, walasa nafolo labaaracogo ni minisiriso kuraw hake ka se ka gogni ta, olu kera sababu ye ka yelema dwo don san 2000 nafoloko taabolow la. Nin ma ke jamana gogni ka san 2000 fewuruyekalo sariya talen ko, min nimoro ye 0591 ye, (N° 0591-PRM), n'a be forobacyakedadaw tilalikofo minisiriso tow ni sigillankurn talen. 8) - Sennasamaraw do la kelen. 9) - ja min be kogo kan. 10) -

sira were fe, ka nafolo dwo boloda minisiriso kuraw ye, ka laban ka baarakebolo dwo barikaya. San 2000 nafoloko dantigecogola file :

Min ye wari donta konge ye, hake min ka kan ka kani k'a ladon fasokesukono, o bolodara k'o ben sefawari miliyari 481,525 ma; do boro la, sabu folo ta hake tun ye sefawari miliyari 500 ni miliyon 162 ye; obajira ko kemesarada la, do boro la ni 3,76 ye (3,76%).

Walasa san 2000 wari hake sebennew ni goferenaman ka san 1999 nowanburukalo wari baarataw ka se ka gogni min, segin kera wari baaracogo minnu kan k'u laben kokura san 2000 mekalo la, ka do bo nafolo deseta la k'a ben ni kokandeme wari sorotaw ye, san 2000 musakaw bolodara ka ben sefawari miliyari 522 ni miliyon 737 ma; do boro fana na, sabu ale tun bolodara folofol ka ben sefawari miliyari 534 ani miliyon 268 ma. Sefawari miliyari 12 ani miliyon 231 de boro la, (kemesarada la, 2,29%).

N'i ye san 2000 nafolo taabolow jatemine, i b'a don ko goferenaman y'a hakili to kosebe hadamadenya sabati ciyakedadaw la. Nafolo bee lajelen bolodalen, kemesarada la, 26,10 donna

kalankow dafs; doonin faral'o kan sabu san 2000 nafoloko ye dantigeli min ke folo, kalankow niyoro tun ye 25,47 ye, kemesarada la. Keneyakow niyoro jiginni doonin, kemesarada la, o bora 9,63 la ka na 9,39 la.

Nafoloboda min kerkenkennen don ka jesi jamana ka nafasorosiraw jenemayali ma, o niyoro kera sefawari miliyari 247 ani miliyon 586 ye. Do boro ia sabu nafolo dantigelen folo ye sefawari miliyari 244 ani miliyon 540 ye.

Wari ladontaw ni musakaw b'a jira ko wari deseta be ben sefawari miliyari 41 ani miliyon 212 ma. Bolodali folo min kera, deseta tun ye sefawari miliyari 34 ani miliyon 606 ye. Deseta cayara ni 19,08 ye kemesarada la, k'a sababu ke nafolo ladonta hake dogoyali ye.

A korefow senfe alamisadon, san 2000 nowanburukalo tile 16, so ni warikow minisiri Bakari kone ye jigisigikuma fo, ko ni kokandemebaaw ma wari deseta in hake di Mali ma, jamana yere ka nafolo kerkenkennen be se ka wo in datugu. Depitew fanba y'u kan di k'u jenna ni nafoloko in dantigecogola kura ye.

Solomani. Dunbiya  
Badama Dukure

## TULON

Nin desen fila dilanbagu y'a dab'a kama, ka fili 10. k'u la. A'y'olu nini.



1) - Dulok kanda. 2) - Billakoroni numasbilo. 3) - Buzi tamene. 4) - Kasikeli min be cenin kun na. 5) - Bin min kelen don ka so billi. 6) - Dulok fan min jiginni don cenin kofe. 7) - Siggilankurn talen. 8) - Sennasamaraw do la kelen. 9) - ja min be kogo kan. 10) -

JABBI

## Mali-boloankolon tene bo Yatela sanuko la

An be don min na, i ko bi, malidenw ka dōgō minnu te Sajola dugu dōn n'a ka sanuko baara ye. Sajola damandingew be ka nafa min ladon Mali kun sōrō yiriwali n'a jidili la, dō faral'o kan ni damanbooyōyō wēre lakodōnni ye, min ni Sajola ce ye kilo 25 dōrōn ye, n'a tōgo ko Yatela.

Ni Ala ye Yatela sanuko labaarali walew latiimē konuman, o bēna ke sababu ye ka joyōrōba di Mali ma Afiriki ni dijē tonkun naani bēe hāke la sanuko la.

San 2000, ɔkutoburukalo tile 12, Mali dugujukorō nafolow ni kuranko ni jiko minisiri Abubakari KULUBALI ni Sanubo kenyērēye ciyakēda «Angulogolidi» kuntigi min be Mali la, n'o ye Peteri LOWU ye, olu ye Yatela sanuboyōrō tufa fōlo da Yatela n'a dafé dugu tōw mōgōw bēe lajelen jēna. A jirala ko Yatela damandige bōta hāke bēna ke tōni 2 ni tila ye san kōnō. O hāke bēna fara Mali sanubōta kōrō lakodōnnēn hāke kan, n'o ye tōni 23 ye. Mōgō faamuyalenw ka foli la, Yatela sanuboyōrō ka baara bēna san 55 sōrō, sanu tōni 62 bēna sama ka bo dugujukoro waati kuntaala min kōnō. Yatela sanu lēngō folōw bēna jira jama la san 2001, mēkalo la.

An ladōnniyara ko Yatela sanubo izini labenni musakaw kasabi bē se sefawari miliyari 52 ni tila ma. Afiriki woroduguyanfan ni Kanada sanubaara ciyakēda fila de bēn'a baaraw tiimejēnōgnē.

Kasabi tilali siratigē la, Malifangasoni yōrō bēna ke sōrō tilakō 100 sigiyōrōma 20 ye. Okērefē, lēnpow ni wusuru wērew bēsara an ka jamana ye, ka fara maliden 300 nōgnōna tali kan a baara la.

Ajirala ko Yatela sanuko jatemine baaraw daminēna kabini san 1987 ni Farajela yiriwali jekulu dō ka demē ye. Kabini san 1987 fo ka na se san 1991 ma, sanupinī baaraw ma lajō Yatela, bawo Mali damandinge ciyakēda «D.N.Z.M.» min y'a sēgesegeliw ke, o y'a sementiya ko sanu fensennien don dugujukorō fo ka se metere 100 nōgnōna ma.

Kenyērēye ciyakēda wērewnan'usendon Yatela sanuko jēnininī na san 1994 ni 1997 ce. San 10 minnu kera sanuko in jēnininī baaraw la, o ma ke «sanjikorōwōsi» ye, bawo u ye nōgōb'ala, k'a jēya kēne kan ko sanu baaden be Yatela dugukolojukorō. Minisiri Abubakari KULUBALI y'a jira ko sanu sōngō be yōrō min na bi, Mali bēna tonōba sōrō Yatela sanu feereli la, min bēna yēlēma nafama

don mara in sigibagaw ka dinelatige nōgōyali la. Siso kuraw bēna jō u ye, u ka kōrōlen cilēn w falenni sira kan. Denbaya minnu yēlēma k'a ban, minisiri yērē taar'a jēda olu kan. U ka masala senfē, o mōgōw y'u ka nisōndiya jira Abubakari KULUBALI la, sigiyōrō yēlēma keli konuman siratigē la. Minisiri ko fangaso haminankoba dō ye sanuboyōrō in n'a lamini lakanani ye, sanga ni waati bēe, fo ka taa baaraw bēe kuncē.

Minisiri y'a ka nisōndiya jira damanko baaraw lawērēli kan an ka jamana kōnō;

misali la, a ko san 2001, sanubo izini kura dōfana bēna jō Morila. Tabakoto - Segala ni Korijeraniziniw bēnkansēbenw labenna k'a ban. Abubakari KULUBALI ko ni nin walew bēe ye sira sōrō, Mali bēna joyōrō sabanan sōrō sanubo la Afiriki kōnō, Gana ni. Afiriki Woroduguyanfan jamanaw kōfē. Sanubo ciyakēda «Angulogolidi» ka ciden yamaruyalen Peteri LOWU ye foli nitanuni kēdugu wulilenw mōgōwe u ka faamuyali konuman sababula. A ye layidu t'u ye k'a bēn'a sekō damajira kē usigiyōrōw ladonni n'u lakanani baaraw la.

A. LAMU ani Basiriki TURE.

## Dēme ka nēsin san 2000 Ntolatanba ma

Nin wale kera bēnsema kabakoma belebele ye Mali kōnō. Ntēnendon, san 2002 Nowanburukalo tile 20, waati damado dōrōn ka kōn dijē lamini ntolatankow jēmogoba Zosefu Sipi Bilateri ni farafinna bēe lajelen ntolankow jēmogoba Isa Hayatu Cunni jējamana dugukolo kan, depitew wotera ka yamaruya di gofērenaman ma, ka san 2002 ntolatanba «kani 2002» pankurunjiginkēnēw ni ntolatanyōrōbaw joli baaraw daminē. Depite 84 tun be kēne kan. U bēe lajelen y'u kanw di k'u jēnna ni baaraw keli ye; bēe wotera, wa mogo kelen ma sōrō yen, min y'a jira k'ale ma sōn. Wote tun ka kan ka kē bēnkansēben kan, gofērenaman ni siniwaw ka yōrōjōciyakēdaba «kōwēti» ce min be «kani» 2002 ntolatanba kōfō an ka jamana kōnō.

An be don min na i ko bi, an ka jamana bē k'a nin da ni fēnba kan, n'o ye san 2002 ntolatanba in ntolatanyōrōw ni bisimilaisobaw, pankurujiginkēnēw, ani «kani bugufiyē» n'olu bē wele nansarakan na ko «wilazi kani», i n'a fo misali la «kibaru bugufiyē» sigira cogoya minnu na. Gofērenaman ye da caman konkon sann'a tēge ka da dēmēbagā lakika kan. A y'a kan bila siniwaw ka ciyakēdaba «kōwēki» ma, ani «SOGEA-SAOM» faransikaw fē yen, ani senegalikaw ka ciyakēdabaw «CSE ni CDE» ani Alimanijamana ka ciyakēdaba «Filipu Hōtizimani», ka fara Mali ni Danimariki ciyakēdaba «Dibo-SKANSKA SPAPA» ma.

Ciyakēdaba kelen min sōrōla n'o ka sariyaw ni Mali ka dēmēcogo lahalayaw sera ka nōgnōta, o kera siniwaw ka ciyakēdaba belebele «Kōwēki» ye; jamana k'o kera kun min kama, o ye ka warī bō ka sōrō baaraw ma ke ani ka baaraw daminē

sisan. Ben kera sefawari miliyari 14 kan. Bulonba la ntēnendon gofērenaman mōgō mintun be ka jamana sōrōko n'a warikow minisiri no fa, o ye Eli Madani Jalo ye. A sera ka na ni dallilu kēnēmaw ye minnu y'a jira tēje yērē la ko nin baaraw bē kē sababu ye ka jamana ka sōrō sankorōtali teliya yōrōcaman na. A nafaw bē se mara kelen-kelen bē ma.

Sigidaw yiriwali minisiri Eli Madani Jalo ye depitew ka yamaruya sōrō bēnkansēben kan, min be Mali ni alisilamew ka dēmeni banki «B.I.D.» ce, min be an ka jamana ni Burukina ce siraba dilanni kōfō. O siraba in b'a daminē Sikaso la ka se Mali ni Burukina dance la. Jamana sigidaw labenni minisirisoka baara don. Eli Madani ye depitew kanw sōrō bēnkansēben sabanan min kan, o bē farafinna tubabumōgō dilanyōrōba joli kōfō.

Modibo Nama Tarawele  
Badama Dukure

